

**BOSNA I HERCEGOVINA
FEDERACIJA BOSNE I HERCEGOVINE
REGISTAR VRIJEDNOSNIH PAPIRA U
FEDERACIJI BOSNE I HERCEGOVINE**

Broj: 04-3-3337 /22
Sarajevo, 06.04.2022. godine

Na osnovu člana 69. stav (1) tačka b), stav (3) i član 70. stav (4) Zakona o javnim nabavkama Bosne i Hercegovine („Službeni glasnik BiH“, broj 39/14), i člana 46. Statuta Registra vrijednosnih papira u Federaciji BiH d.d. Sarajevo, („Službene novine Federacije BiH“ broj 26/09 i 44/11) Uprava Registra vrijednosnih papira u Federaciji Bosne i Hercegovine d.d. Sarajevo (u daljem tekstu: Registar) donosi:

**ODLUKU
o poništenju postupka nabavke mrežnog uređaja**

I

Ovom odlukom poništava se konkurentski postupak nabavke mrežnog uređaja pokrenut odlukom o provođenju postupka konkurentskog zahtjeva za dostavljanje ponuda za nabavku mrežnog uređaja broj: 04-3-1838/22 od 25.02.2022. godine.

II

Ova odluka objaviti će se na službenoj web stranici Registra u skladu sa članom 70. stav (6) Zakona o javnim nabavkama Bosne i Hercegovine te obavijest na portalu www.ejn.gov.ba.

III

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav 2. Zakona o javnim nabavkama.

Obrazloženje

Registar je donio odluku o provođenju postupka konkurentskog zahtjeva za dostavljanje ponuda za nabavku mrežnog uređaja broj: 04-3-1838/22 od 25.02.2022. godine.

Na portalu www.ejn.gov.ba dana 02.03.2022. godine Registar vrijednosnih papira u FBiH d.d. Sarajevo (u daljem tekstu: Registar) objavio je Tendersku dokumentaciju i Obavještenje o nabavci broj 96-7-1-12-3-1/22. Komisija za javne nabavke je blagovremeno i pravilno izvršila javno otvaranje ponuda dana 14.03.2022.godine te sačinila zapisnik sa otvaranja ponuda koji je proslijeđen ponuđačima koji su učestvovali u postupku. Nakon otvaranja ponuda Komisija je pristupila pregledu i ocjeni ponuda, te o

tome sačinila odgovarajući zapisnik u kojem je utvrđeno sljedeće: da su blagovremeno pristigle dvije ponude i to ponuda ponuđača „MOJIT“ d.o.o. Sarajevo i ponuda ponuđača „DIGITARIJA“ d.o.o. Sarajevo. Utvrđeno je da su ponude pristigle blagovremeno. Na otvaranju u sjedištu Registra nije bio prisutan niko od predstavnika ponuđača. Dostavljanje zapisnika sa otvaranja ponuda izvršeno je u zakonskom roku.

Nakon izvršenog otvaranja ponuda komisija je pristupila analizi dokumentacije priložene uz ponudu u smislu provjere validnosti obzirom na iskazane zahtjeve ugovornog organa u tenderskoj dokumentaciji.

Utvrđeno je da ponude ne ispunjavaju tražene kvalifikacione uslove i to:

- U ponudi ponuđača „MOJIT“ d.o.o. Sarajevo naveden je rok isporuke od 140 dana, a u tenderskoj dokumentaciji rok isporuke je 15 dana nakon potvrde narudžbe tj obostranog postpisivanja ugovora.
- U ponudi Ponuđača „Digitarija“ d.o.o. Sarajevo izjave iz člana 45., 47., i 52. Zakona o javnim nabavkama (Aneks 4, Aneks 5 i Aneks 6 tenderske dokumentacije) i izjava iz Aneksa 11 nisu ovjerene od strane nadležnog organa, aktuelni izvod iz sudskog registra za ponuđača nije ovjeren od strane nadležnog organa. Naprijed navedeni ponuđač nije dostavio tražene dokaze o ispunjavanju tehničke i profesionalne sposobnosti i to dokument koji dokazuju da je firma ovlaštena prodavac ponuđene opreme (autorizacija ovlaštenog servisa datog proizvođača, ovjerena od osobe ovlaštene za BiH i proizvođača opreme). U Aneksu 9-nacrt ugovora u članu 5 način i rok isporuke nije naveden rok isporuke.

Uprava Registra je od strane Komisije obaviještena o navedenom, te je donesena odluka kao u dispozitivu.

Pouka o pravnom lijeku:

Protiv ove odluke može se izjaviti žalba Registru u roku od 5 (pet) dana od dana prijema ove odluke.

